



武  
595  
44

六十二



明  
號  
卷

御纂醫宗金鑑卷六十二

輯輯外科心法要訣目錄

臍瘍主治類方

仙方活命飲

神授衛生湯

清熱消風散

乳香黃耆散

內疎黃連湯

回陽三建湯

藏書

藏書

竹葉黃耆湯

內消散

內固清心散

琥珀蠟礬丸

護心散

透膿散

托裏消毒散

神功內托散

復元通氣散

雙解貴金丸

黍米寸金丹

麥靈丹

保安萬靈丹

腫瘍敷貼類方

如意金黃散

五龍膏

四虎散

真君妙貼散

二青散

坎宮錠子

離宮錠子

白錠子

蝌蚪拔毒散

二味拔毒散

回陽玉龍膏

中和膏

鐵桶膏

烏龍膏

神效千槌膏

馬齒莧膏

潰瘍主治類方

四君子湯

四物湯

八珍湯

十全大補湯

人參養榮湯

內補黃耆湯

異功散

理中湯

六君子湯

香砂六君子湯

托裏定痛湯

聖愈湯

柴胡四物湯

地骨皮飲

知藥四物湯

膏三黃四物湯

補中益氣湯

人參黃耆湯

獨參湯

溫胃飲

橘皮竹茹湯

胃愛丸

二神丸

加味地黃丸

參朮膏

八仙糕

洗滌類方

葱歸湯腫湯

艾茸敷法

豬蹄湯

膏藥類方

萬應膏

紺珠膏

陀僧膏

去巴膏

亞聖膏

絳珠膏

絳紅膏

加味太乙膏

白膏藥

化腐紫霞膏

貝葉膏

碧螺膏

麻藥類方

瓊酥散

整骨麻藥

外敷麻藥

去腐類方

白降丹

紅升丹

元珠膏

生肌類方

生肌定痛散

輕乳生肌散

薑礬散

腐盡生肌散

月白珍珠散

五色靈藥

生肌玉紅膏

瑩珠膏

呂祖一枝梅

御纂醫宗金鑑卷六十二

編輯外科心法要訣

腫瘍主治類方

仙方活命飲

此方治一切癰疽不論陰陽瘡毒未成者即消已成者即潰化膿生肌散瘀消腫乃瘡癰之聖藥誠外科之首方也故名之曰仙方活命飲

穿山甲

炒 二大片

皂刺 五分

歸尾

一錢五分

甘草節 一錢



金銀花 二錢

赤芍藥 五分

乳香 五分

沒藥 五分

花粉 一錢

防風 七分

貝母 一錢

白芷 一錢

陳皮 一錢五分

右十三味好酒煎服恣飲盡醉

歌方仙方活命飲平劑瘡毒癰疽俱可醫未成即

消疼腫去已成膿化立生肌穿山皂刺當歸

尾草節金銀赤芍宜乳沒天花防貝芷陳皮

血兼消腫表裏疎通實劑方皂刺防風羌芷

甲連翹歸尾乳沉香金銀石決天花粉甘草

紅花共大黃

清熱消風散

此方治癰疽瘡腫已成未成之際無表無裏故  
外不惡寒內不便秘惟紅腫焮痛高腫有頭者  
宜服此藥以和解之也

皂角刺 一錢

防風 五分

陳皮 一錢

連翹 一錢  
去心

花粉 五分

柴胡 一錢

黃芩 五分

川芎 五分

白芍 五分

甘草 五分

當歸 五分

黃耆 一錢

金銀花 五分

蒼朮 一錢

紅花 一錢

右十五味水二鍾煎八分食遠服

方清熱消風無表裏癰疽諸毒和解方皂刺防

風陳翹粉柴芩芍草耆當銀花蒼朮紅花

入婦女還加香附良

若婦人加香附子用童便炒

乳香黃耆散

此方治癰疽發背諸毒疔瘡疼痛不可忍者乃

氣虛不勝毒之故也服之未成即消已成即潰

不用刀砭惡肉自脫并治打撲損傷筋骨疼痛

之證

當歸 一錢

白芍 一錢

人參 一錢

生黃耆 一錢

川芎 一錢

熟地 一錢

乳香 五分

沒藥 五分

陳皮 一錢

粟殼 一錢  
去筋膜蜜炙

甘草節 一錢

右水二鍾煎八分量病上下食前後服之

方歌乳香黃耆治氣弱癰疽諸毒痛難當未成卽

消已成潰歸芍參耆芎地黃乳沒粟陳甘草

節更醫打撲筋骨傷

內疎黃連湯

此方治癰疽陽毒在裏火熱發狂發熱二便秘  
澀煩躁嘔噦舌乾口渴飲冷等證六脈沉數有  
力者急宜服之以除裏熱

山梔 一錢

連翹 一錢

薄荷 一錢

甘草 五分

黃芩 一錢

黃連 一錢

桔梗 一錢

大黃 二錢

當歸 一錢

白芍 一錢  
炒

木香 一錢

檳榔 一錢

右水二茶鍾煎八分食前服加蜜二匙亦可  
 方內疎黃連瀉裏熱癰瘡毒火陽盛狂腫硬發  
 歌熱二便秘煩躁乾嘔渴飲涼梔翹薄荷芩連  
 桔大黃歸芍木檳榔

回陽三建湯

此方治癰疽發背初起不疼不腫不紅不熱堅  
 如頑石硬若牛皮體倦身涼脈息遲細色似土  
 硃粟頂多孔孔流血根脚平散軟陷無膿皮  
 不作腐頭溫足涼者並急服之

人參 一錢

附子 一錢

當歸 一錢

川芎 一錢

甘草 五分

茯苓 一錢

生黃耆 一錢

枸杞 一錢

紅花 五分

紫草 五分

獨活 五分

陳皮 一錢

蒼朮 五分

厚樸 五分

木香 五分

山萸肉 一錢

右十六味加煨薑三片皂角樹根上白皮二

錢水二碗煎八分入酒一杯隨病上下食前  
後服之用棉帛覆蓋瘡上常令溫暖不得大  
開瘡孔走泄元氣為要

方歌

回陽三建治陰疽體倦身涼脈細遲不腫不

疼不紅熱堅如頑石硬如皮根平軟陷無膿

腐參附歸芎草茯苓枸杞紅花與紫草獨陳

蒼樸木山萸

竹葉黃耆湯

此方治癰疽發背諸般疔毒表裏不實熱甚口

中乾大渴者服之生津止渴

人參 八分

生黃耆 八分

石膏 八分

半夏 八分

麥冬 八分

生地 二錢

白芍 八分

甘草 八分

川芎 八分

當歸 八分

竹葉 十斤

黃芩 八分

右十二味水二鍾薑三片燈心二十根煎八  
分食遠溫服

方歌 竹葉黃耆口乾渴清熱補正助生津參耆膏  
夏麥冬地芍草芎歸竹葉苓

內消散

此方治癰疽發背對口疔瘡乳癰無名腫毒一切惡瘡能令癰腫內消使毒內化尿色赤污從小便而出勢大者雖不全消亦可轉重為輕移深居淺

知母 一錢

貝母 一錢

花粉 一錢

乳香 一錢

半夏 一錢

製

白及 一錢

穿山甲 一錢

皂刺 一錢

銀花 一錢

右九味水酒各一碗煎八分隨病上下食前後服之留藥渣搗爛加秋芙蓉葉一兩研為細末再加白蜜五匙用渣調敷瘡上一宿即消重者再用一服

方歌 內消散用化諸毒毒化從尿色變行知貝天  
花乳夏及穿山角刺共金銀藥渣搗和芙蓉

葉白蜜調敷毒即平

已上諸方治癰疽七日以前瘡勢未成形體壯實而表裏之證相和者宜服病退即止如過七日以後形勢已成則宜托裏消毒等湯使毒現於外以速其膿若仍用前散下之藥恐傷元氣致生變證也

內固清心散

此方治癰疽發背對口疔瘡熱甚掀痛煩躁飲冷其人內弱服之預防毒氣內攻於心也

萊豆粉 二兩

人參 二錢

冰片 一錢

雄黃 二錢

辰砂 二錢

白豆蔻 二錢

元明粉 二錢

茯苓 二錢

甘草 二錢

乳香 二錢

右十味為細末每服一錢五分蜜湯調下不拘時服

方內固清心防毒攻內弱毒氣入心中掀痛熱甚兼飲冷豆粉人參冰片雄辰砂白蔻元明

粉茯苓甘草乳香同

琥珀蠟礬丸

此方治癰疽發背瘡形已成而膿未成之際其人即不虛弱恐毒氣不能外出內攻於裏預服此丸護膜護心亦且活血解毒

黃蠟 一兩

白礬 一兩  
二錢

雄黃 一錢  
二分

琥珀 一錢  
另研極細

硃砂 一錢  
研細

白蜜 二錢

右上四味先研細末另將蠟蜜入銅杓內

化離火片時候蠟四邊稍凝方將藥味入內攪勻共成一塊將藥火上微烘急作小丸如菉豆大硃砂為衣磁罐收貯每服二三十丸食後白湯送下毒甚者早晚服其功最速

方歌 琥珀蠟礬治癰毒未出膿時平劑佳預服護

膜能解毒蠟礬雄珀蜜硃砂

護心散

此方治瘡毒內攻口乾煩躁惡心嘔吐者服此藥護心解毒也



菜豆粉 一兩

乳香 三錢  
淨末

硃砂 一錢

甘草 一錢

右四味研細末每服二錢白滾湯調服早晚  
二次

方歌護心散治毒內攻煩躁口乾嘔逆冲豆粉乳

香硃共草二錢調下有神功

### 透膿散

此方治癰疽諸毒內膿已成不穿破者服之即  
潰破毒出

生黃耆 四錢

穿山甲 一錢

川芎 三錢

當歸 二錢

皂角刺 一錢  
五分

右五味水三鍾煎一鍾瘡在上先飲酒一杯  
後服藥瘡在下先服藥後飲酒一杯

方歌透膿散治膿已成不能潰破劑之平用此可

代鍼瀉毒角刺歸耆山甲芎

### 托裏消毒散

此方治癰疽已成內潰遲滯者因血氣不足不

能助其腐化也宜服此藥托之令其速潰則腐肉易脫而新肉自生矣

皂角刺 五分

銀花 一錢

甘草 五分

桔梗 五分

白芷 五分

川芎 一錢

生黃耆 一錢

當歸 一錢

白芍 一錢

白朮 一錢

人參 一錢

茯苓 一錢

右十二味水二鍾煎八分食遠服

方歌托裏消毒助氣血補正脫腐肌易生皂角銀

花甘桔芷芎耆歸芍朮參苓

神功內托散

此方治癰疽腦頂諸發等瘡日久不腫不高不能腐潰脈細身涼宜服此溫補托裏之劑以助氣血也

人參 一錢五分

附子 一錢製

川芎 一錢

歸身 二錢

黃耆 一錢

白朮 一錢五分土炒

白芍一錢

木香五分

穿山甲八分

甘草五分

陳皮一錢

白茯苓一錢

右十二味煨薑三片大棗二枚水二茶鍾煎八分食遠服

力神功內托陰毒證不腫不高不潰疼參附芎

歸耆木芍木香山甲草陳苓

復元通氣散

此方治乳癰腹癰便毒耳痛耳聾等證皆由毒

氣滯塞不通故耳服之則氣通毒散

青皮四兩 陳皮四兩

栝藋仁二兩 穿山甲二兩

金銀花一兩 連翹一兩

甘草二兩

右七味研末每服二錢黃酒調下

歌復元通氣乳腹癰便毒兼治耳痛聾青陳藋

甲銀翹草一服能教毒氣通

雙解貴金丸

此方治背疽諸毒初起木悶堅硬便秘脈沉實者悉效隨證加藥服法列後

生大黃

一觔

白芷

十兩

右二味爲末水丸每服三五錢五更時用連鬚葱大者三根黃酒一碗煮葱爛取酒送藥服畢蓋臥出汗過三二時俟大便行一二次立效

按此宜通攻利之劑也濟之以葱酒力能發汗故云雙解弱者隨用中劑行後以四君子湯

補之老人虛人每服一錢用人參加生薑煎湯送下過一時再一服得睡上半身得汗則

白已

方雙解貴金治諸毒腫瘍初起木硬堅大黃白

芷爲丸服葱酒煎送汗下痊

黍米寸金丹

此方乃異人所傳常有暴中急證忽然卒倒者攪開牙關研灌三丸其人卽活又能治發背癰疽遍身壅腫附骨癰疽等證也凡初起憎寒壯

熱四肢倦怠沉重者不分表裏老幼輕重並宜服之

乳香 沒藥 各一錢

狗膽 一個 乾者 鯉魚膽 三個 陰乾

礞砂 二錢 蟾酥 一錢

狗寶 一錢 麝香 五分

白丁香 四十個 酥炙 蜈蚣 七條

黃蠟 三錢 烏金石 一錢

頭胎男乳 一合 輕粉 一錢

雄黃 一錢 水銀煉粉霜白色者 三錢

右十六味為細末除黃蠟乳汁二味熬成膏子同藥和丸如菜豆大小兒用一九大人三丸重者五丸冷病用葱湯熱病用新汲水送下衣被密蓋勿令透風汗出為度諸病如失方黍米寸金奇效方癰疽發背服之良乳香沒藥狗鯉膽蟾礞寶麝白丁香蜈蚣黃蠟烏金石男乳輕雄共粉霜

麥靈丹

此丹能治癰疽惡毒無名諸瘍及疔瘡回裏令人煩悶神昏或婦人初發乳證小兒痘疹餘毒或腰腿暴痛等證

鮮蟾酥

二錢

活蜘蛛

二十一個  
黑色大者佳

定心草

一錢即兩  
頭尖鼠糞

飛羅麩

六兩

右四味共研一處用菊花熬成稀膏和好熬為麥子形如麥子大每服七丸重大者九丸小兒輕證五丸在上俱用滾白水服在下用淡黃酒送服每一料加麥子一合收磁罐內

歌

麥靈丹治疔毒疽鮮蟾酥與活蜘蛛定心草

共飛羅麩黃菊熬膏相合宜

### 保安萬靈丹

此方治癰疽疔毒對口發頤風寒濕痺濕痰流注附骨陰疽鶴膝風及左癱右瘓口眼歪斜半身不遂血氣凝滯偏身走痛步履艱辛偏墜疝氣偏正頭痛破傷風牙關緊閉截解風寒無不應效

茅山蒼朮

八兩

麻黃

羌活

荆芥

防風

細辛

川烏

湯泡  
去皮

草烏

湯泡  
去皮

川芎

石斛

全蠍

當歸

甘草

天麻

何首烏

各一兩

雄黃

六錢

右十六味為細末煉蜜為九重三錢硃砂為衣磁罐收貯視年歲老壯病勢緩急斟酌用

之如惡瘡初起二三日間或癰疽已成至十日前後未出膿者狀若傷寒頭痛煩渴拘急惡寒肢體疼痛惡心嘔吐四肢沉重恍惚悶亂皮膚壯熱及傷寒四時感冒傳變疫證惡寒身熱俱宜服之用葱白九枝煎湯調服一丸蓋被出汗為效如汗遲以葱湯催之其汗必出如淋如洗令其自收不可露風患者自快瘡未成者即消已成者即高腫潰膿如病無表裏相兼不必發散只用熱酒化服又按

此方原載諸風癰瘰門中今移錄於此者蓋  
瘡瘍皆起於營衛不調氣血凝滯始生癰腫  
此藥專能發散又能順氣搜風通行經絡所  
謂結者開之也經云汗之則瘡已正與此相  
合也服後當避風忌冷物戒房事如婦人有  
孕者勿服

方歌

萬靈丹治諸痺病此藥猶能治腫瘍發表毒  
邪從汗解通行經絡效非常麻黃羌活荆防  
細川草烏芎石斛蒼全蠍當歸甘草等天麻

何首共雄黃

腫瘍敷貼類方

凡腫瘍初起時腫高赤痛者宜敷涼藥以寒  
勝熱也然亦不可太過過則毒爲寒凝變爲  
陰證如漫腫不紅似有頭而不痛者宜敷溫  
藥乃引毒外發也經云發表不遠熱敷熱藥  
亦發表之意凡調敷藥須多攪則藥稠黏敷  
後貼紙必須撕斷則不崩裂不時用原汁潤  
之蓋借濕以通竅乾則藥氣不入更添拘急



之苦矣凡去敷藥必看毛孔有汗意者為血  
脈通熱氣散也反此者逆

如意金黃散

此散治癰疽發背諸般疔腫跌撲損傷濕痰流  
毒大頭時腫漆瘡火丹風熱天泡肌膚赤腫乾  
濕脚氣婦女乳癰小兒丹毒凡一切諸般頑惡  
熱瘡無不應效誠瘡科之要藥也

南星

陳皮

蒼木

黃蘗

薑黃

甘草

白芷

上白天花粉

厚朴

大黃

右十味共為阻片晒乾磨三次用細絹羅篩  
貯磁罐勿泄氣凡遇紅赤腫痛發熱未成膿  
者及夏月時俱用茶清同蜜調敷如欲作膿  
者用葱湯同蜜調敷如漫腫無頭皮色不變  
濕痰流毒附骨癰疽鶴膝風等證俱用葱酒  
煎調敷如風熱所生皮膚亢熱色亮遊走不

定俱用蜜水調敷如天泡火丹赤遊丹黃水  
漆瘡惡血攻注等證俱用大藍根葉搗汁調  
敷加蜜亦可湯潑火燒皮膚破爛麻油調敷  
已上諸引調法乃別寒熱溫涼之治法也

方歌如意金黃敷陽毒止痛消腫實良方南陳蒼

藥薑黃草白芷天花朴大黃

### 五龍膏

此膏治癰疽陰陽等毒腫痛未潰者敷之即拔  
出膿毒

五龍草

即烏蘇 詳本草綱目蔓草 部俗名五爪龍 注浙多產之

金銀花

稀莨草

車前草

連根 葉

陳小粉

各等分

右四味俱用蘇草葉一處搗爛再加三年陳  
小粉并飛鹽末二三分其搗為稠糊徧敷瘡  
上中留一項用膏貼蓋避風為主若冬月草  
無鮮者預採蓄下陰乾為末用陳米醋調敷  
一如前法并效如此方內五龍草或缺少不  
便倍加稀莨草亦效

方歌五龍膏用拔膿毒平劑五龍草銀花蒼草車  
前俱搗爛小粉飛鹽攪糊搽

四虎散

此散治癰疽腫硬厚如牛領之皮不作膿腐者  
宜用此方

草烏 四錢 狼毒

半夏 各等分 南星

右四味為細末用猪腦同搗徧敷瘡上留頂  
出氣

方歌四虎散敷陰疽癰頑腫不痛治之平厚似牛

皮難潰腐草烏狼毒夏南星

真君妙貼散

此散治癰疽諸毒頑硬惡瘡散漫不作膿者用  
此藥敷之不痛者即痛痛者即止如皮破血流  
濕爛疼苦天泡火丹肺風酒刺等證并用之皆  
效

蕎麥 五觔 明淨硫黃 十觔

白麵 五觔

右三味共一處用清水微拌乾濕得宜趕成薄片微晒單紙包裹風中陰乾收用臨時研細末新汲水調敷如皮破血流濕爛者用麻油調敷天泡火丹酒刺者用靛汁調搽并效

二青散

此散治一切陽毒紅腫疼痛熱等證未成者

青黛

黃蘗

白歛

白薇

青露

白及

白芷

水龍骨

白鮮皮

天花粉

大黃

朴消

右十二味為末用醋蜜調敷已成者留頂未成者徧

方二青散用敷陽毒腫痛紅熱用之消黛蘗歛

微青露及芷龍鮮粉大黃消

坎宮錠子

此錠子治熱毒腫痛焮赤諸瘡并搽痔瘡最效

京墨 一兩

胡黃連 二錢

熊膽 三錢

麝香 五分

兒茶 二錢

冰片 七分

牛黃 三分

右七味為末用豬膽汁為君加生薑汁大黃

水浸取汁釀醋各少許相和藥成錠用凉水

磨濃以筆蘸塗之

歌萬坎宮錠子最清涼熱腫諸瘡并痔瘡京墨胡

連熊膽麝兒茶冰片共牛黃

離宮錠子

此錠子治疔毒腫毒一切皮肉不變漫腫無頭

搽之立效

血竭 三錢

硃砂 二錢

膽礬 三錢

京墨 一兩

蟾酥 三錢

麝香 一錢五分

右六味爲末凉水調成錠凉水磨濃塗之

方歌離宮錠治諸疔毒漫腫無頭凉水塗血竭硃

砂爲細末膽礬京墨麝蟾酥

白錠子

此錠專敷初起諸毒癰疽疔腫流注痰包惡毒及耳痔耳挺等證

白降丹

四錢 卽白靈藥

銀勦 二錢

寒水石

二錢

人中白 二錢

右四味共爲細末以白及麪打糊爲錠大小

由人不可入口每用以陳醋研敷患處如乾再上自能消毒

方歌白錠專敷初起毒癰疽疔腫與痰包降丹銀

勦人中白寒水白及醋研消

蝌蚪拔毒散

此散治無名大毒一切火毒瘟毒敷之神效

寒水石

研極細末

淨皮消

研極細末

川大黃

各等分 研極細末

蝦蟆子

初夏時河內有蝌蚪成羣大頭長尾者撈來收罈內泥封口埋至秋天化成水

右用蝌蚪水一大碗入前藥末各二兩陰乾  
再研勻收磁罐內每用時以水調塗患處  
方歌拔毒散治無名毒火毒瘟毒俱可施寒水消  
黃蝌蚪水浸乾藥末水調之

二味拔毒散

此散治風濕諸瘡紅腫痛癢疥癩等疾甚效

明雄黃

白礬

各等分

右二味為末用茶清調化鷲翎蘸掃患處癢  
痛自止紅腫即消

方歌三味拔毒消紅腫風濕諸瘡痛癢寧一切肌  
膚疥癩疾雄礬為末用茶清

回陽玉龍膏

此膏治癰疽陰瘡不發熱不響痛不腫高不作  
膿及寒熱流注冷痛痺風脚氣手足頑麻筋骨  
疼痛及一切皮色不變漫腫無頭鶴膝風等證  
但無肌熱者一槩敷之俱有功效

軍薑

三兩炒

肉桂

五錢

赤芍

三兩炒

南星

一兩

草烏 三兩 炒

白芷 一兩

右六味製畢共為細末熱酒調敷

方回陽玉龍陰毒證不熱不疼不腫高軍薑桂

歌芍星烏芷研末須將熱酒調

冲和膏

此膏治癰疽發背陰陽不和冷熱相凝者宜用

此膏敷之能行氣疎風活血定痛散瘀消腫祛

冷輭堅誠良藥也

紫荆皮 五兩 炒

獨活 三兩 炒

白芷 三兩

赤芍 二兩 炒

石菖蒲 一兩 五錢

右五味共為細末葱湯熱酒俱可調敷

方冲和發背癰疽毒冷熱相凝此藥敷行氣疎

風能活血紫荆獨芷芍菖蒲

鐵桶膏

此膏治發背將潰已潰時根脚走散瘡不收束

者宜用此藥圍敷

磁礬 三錢

銅綠 五錢



麝香 三分

白及 五錢

輕粉 二錢

鬱金 二錢

五倍子 一兩  
微炒

明礬 四錢

右八味共為極細末用陳米醋一碗杓內慢火熬至一小杯候起金色黃泡為度待溫用藥末一錢攪入醋內炖溫用新筆塗於瘡根周圍以棉紙覆蓋藥上瘡根自生縐紋漸收漸緊其毒不致散大矣

方鐵桶膏收毒散大周圍敷上束瘡根膽礬銅

綠及輕粉五倍明礬鬱金

### 烏龍膏

此膏治一切諸毒紅腫赤暈不消者用此藥敷上極有神效

木鱉子 二兩  
去殼

草烏 半兩

小粉 四兩

半夏 二兩

右四味於鐵銚內慢火炒焦黑色為度研細以新汲水調敷一日一換自外向裏塗之須留瘡頂令出毒氣

方烏龍膏用治諸毒赤暈能收治腫瘍木鱉草  
歌烏小粉夏涼水調敷功效良

神效千槌膏

此膏專貼瘡瘍疔毒初起貼之即消治癰癧連  
根拔出大人臘瘡小兒蟪拱頭等證並效

土木鱉 五個 去殼

白嫩松香 四兩 揀淨

銅綠 一錢 研細

乳香 二錢

沒藥 二錢

蓖麻子 七錢 去殼

巴豆肉 五粒

杏仁 一錢 去皮

右八味合一處石臼內搗三千餘下即成膏  
取起浸涼水中用時隨瘡大小用手捻成薄  
片貼瘡上用絹蓋之

方千槌膏貼諸疔毒癰癧臘瘡蟪拱頭木鱉松  
歌香銅乳沒蓖麻巴豆杏仁投

馬齒莧膏

馬齒莧性味清涼能解諸毒今用此一味或服  
或敷甚有功效所治諸證列後

一治楊梅徧身如癩喉硬如管者取莧碗粗一

握酒水煎服出汗

一治發背諸毒用莧一握酒煎或水煮冷服出汗再服退熱去腐三服即愈并杵莧敷之

一治多年頑瘡腫瘡疼痛不收口者杵莧敷之

取蟲一日一換三日後腐肉已盡紅肉如珠

時換生肌藥收口

一治面腫唇緊搗汁塗之

一治婦女臍下生瘡痛癢連及二陰者用莧四

兩青黛一兩研勻敷之

一治濕癬白禿取石灰末炒紅用莧汁熬膏調

勻塗之

一治丹毒加藍靛根和搗敷之

方歌馬齒莧膏只一味楊梅發背服敷之頑瘡面

腫搗汁用婦女陰瘡共黛施濕癬白禿加灰

末丹毒藍根相和宜

潰瘍主治類方

四君子湯

人參

茯苓

白朮 各二錢  
土炒

甘草 一錢

右四味薑三片棗二枚水煎服

四物湯

川芎 一錢  
五分

當歸 三錢  
酒洗

白芍 二錢  
炒

地黃 三錢

右四味水煎服

八珍湯

人參 一錢

茯苓 一錢

白朮 一錢  
五分

甘草 五分  
炙

川芎 一錢

當歸 一錢

白芍 一錢  
炒

地黃 一錢

右八味水煎服

十全大補湯

於八珍湯內加黃耆肉桂水煎服

人參養榮湯

於十全大補湯內去川芎加陳皮遠志五味

子水煎服

內補黃耆湯

於十全大補湯內去白朮加遠志麥門冬水煎服

按四君子湯補氣不足者也四物湯補血不足者也八珍湯雙補血氣不足者也十全大補湯大補氣血諸不足者也人參養榮湯去川芎者因面黃血少加陳皮以行氣之滯五味子以收斂氣血遠志以生心血也內補黃耆湯治潰瘍口乾去白朮者避其燥能亡津也加遠志麥冬者以生血生津也如痛者加乳

香沒藥以定痛硬者加穿山甲皂角刺以消硬也已上諸方凡癰疽潰後諸虛者悉準於此當隨證酌用之

方歌四君參苓白朮草四物芎歸芍地黃二方雙補八珍是更加耆桂十補湯榮去芍加陳遠味內去朮加遠冬良痛甚乳沒硬穿皂潰後諸虛斟酌方

異功散

人參 二錢

白朮 二錢  
土炒

茯苓 一錢

甘草 五分

陳皮 五分

右五味薑三片棗二枚水煎服

理中湯

人參 二錢

白朮 三錢

乾薑 一錢

甘草 五分

右四味水煎服

六君子湯

人參 二錢

白朮 二錢

茯苓 一錢

甘草 一錢

陳皮 一錢

半夏 一錢五分

右六味薑三片棗二枚水煎服

香砂六君子湯

人參 一錢

白朮 二錢

茯苓 一錢

甘草 五分

藿香 一錢

陳皮 一錢

半夏 一錢五分

砂仁 五分

右八味薑三片水煎服

按四君子湯加陳皮名異功散潰後脾虛氣滯者宜之四君子湯減茯苓加乾薑名曰理中湯潰後脾虛寒滯者宜之蓋氣虛則陽虛陽虛生寒故於補氣藥中加溫熱之味也四君子湯加陳皮半夏名六君子湯潰後氣虛有痰者宜之六君子湯加藿香或木香砂仁名香砂六君子湯潰後胃虛痰飲嘔吐者宜之無痰飲氣虛嘔逆甚者加丁香沉香潰後氣虛有寒加肉桂附子潰後瀉者加訶子肉豆蔻腸滑不固加鷲粟殼食少咳嗽者加桔梗麥冬五味子渴者加乾葛傷食脾胃虛弱加山查神麩穀芽或麥芽此皆潰後氣不足者以四君子湯為主隨證加減也

方歌四君加陳異功散理中減苓加乾薑有痰陳半六君子嘔吐砂仁木薑香逆加丁沉香桂附瀉加訶蔻粟滑腸咳桔冬味渴加葛傷食查麩穀麥良

托裏定痛湯

於四物湯內加肉桂乳香沒藥粟殼水煎服

聖愈湯

於四物湯內加柴胡人參黃耆水煎服

柴胡四物湯

於四物湯內加柴胡人參黃芩半夏甘草水煎服

地骨皮飲

於四物湯內加丹皮地骨皮

知藥四物湯

於四物湯內加知母黃蘗

三黃四物湯

於四物湯內加黃連黃芩黃蘗

按

托裏定痛湯潰後血虛疼痛者宜之聖愈湯

潰後血虛內熱心煩氣少者宜之柴胡四物

湯潰後血虛有寒熱者宜之地骨皮飲潰後

不寒者宜之知藥四物湯潰後五臟陰火骨

蒸者宜之三黃四物湯潰後六腑陽火煩熱

者宜之蓋血虛則陰虛陰虛生熱故補血藥



中多加寒涼之味也此皆潰後血不足者以四物湯為主隨證加減也

方歌

四物加桂乳沒粟托裏定痛功效奇聖愈四物參耆入血虛血熱最相宜血虛寒熱小柴合惟熱加丹地骨皮陽火煩熱三黃合陰火骨蒸加蘗知

補中益氣湯

補中益氣湯治瘡瘍元氣不足四肢倦怠口乾時熱飲食無味衄洪大無力心煩氣怯者俱宜服之

服之

人參 一錢

當歸 一錢

生黃耆 二錢

白朮 一錢  
土炒

升麻 三分

柴胡 三分

甘草 一錢  
炙

麥冬 一錢  
去心

五味子 五分  
研

陳皮 五分

右十味水二鍾薑三片棗二枚煎一鍾空心

熱服

人參黃耆湯

治潰瘍虛熱不睡少食或寒濕相凝作痛者效  
即前方去柴胡加神麴五分炒蒼朮五分炒黃  
藥五分炒

方補中益氣加麥味潰後見證同內傷參耆歸

木升柴草麥味陳皮引棗薑人參黃耆寒濕  
熱加麴蒼藥減柴方

### 獨參湯

此湯治潰瘍膿水出多元氣虛餒外無邪氣自  
汗脈虛者宜服之

人參

二兩

右一味水三鍾棗十枚或蓮肉元服肉煎好  
徐徐服之若煎至稠厚即成膏矣作三次用  
醇酒熱化服之亦可  
方膿水過多元氣餒不生他恙獨參宜徐徐代  
飲無窮妙棗蓮元肉共煎之

### 溫胃飲

此湯治癰疽脾胃虛弱或內傷生冷外感寒邪  
致生呃逆中脘疼痛嘔吐清水等證宜急服之

人參 一錢

白朮 二錢  
土炒

乾薑 一錢  
炮

甘草 一錢

丁香 五分

沉香 一錢

柿蒂 十四個

吳萸 七分  
酒洗

附子 一錢  
製

右九味水三鍾薑三片棗二枚煎八分不拘

時服

方溫胃飲治寒呃逆內傷外感胃寒生理中加

歌 丁沉香柿蒂寒盛吳萸附子寧

橘皮竹茹湯

此湯治潰瘍胃火上逆氣衝以致時時呃逆身

熱煩渴口乾唇焦此熱呃也服之有效

橘紅 二錢

竹茹 三錢

生薑 一錢

柿蒂 七個

人參 一錢

黃連 一錢

右六味水二鍾煎八分空心溫服

方橘皮竹茹熱呃逆胃火氣逆上衝行橘紅竹

歌 茹薑柿蒂虛加參補熱連清

胃愛丸

此丸治潰瘍脾胃虛弱諸味不喜者宜服此丸助脾氣開胃口而飲食自進矣

人參 一兩

山藥

一兩肥大上白者切片男乳拌令透晒後微焙

建蓮肉

五錢 去皮心

白豆蔻

三錢

小紫蘇

五錢 蜜拌晒乾微蒸片時連梗葉切片

陳皮

六錢 用陳老米先炒黃色方入同炒微燥勿焦

雲片白朮

一兩鮮白者米泔浸去澁水切片晒乾同麥芽拌炒

甘草 三錢

上白茯苓

一兩切一分厚咀片用砂仁二錢同茯苓合碗內飯上蒸熟

右九味共為細末用老米二合微焙碾粉泡荷葉熬湯打糊丸梧桐子大每服八十九清米湯送下不拘時服

方歌

不思飲食宜胃愛開胃扶脾效若仙異功山

藥蘇梗葉建蓮白蔻米糊丸

清震湯

治潰瘍脾腎虛弱或誤傷生冷或氣惱勞役或病後入房太早以致寒邪乘入中脘乃生呃逆

急服之

人參

益智仁

半夏各一錢  
製

澤瀉三分

香附

陳皮

白茯苓各一錢

附子一錢  
製

炙甘草一錢

柿蒂二十四個

方歌 清震湯治腎家寒人參益智半夏攢澤瀉香

附陳茯苓附子甘草柿蒂煎

一神丸

此丸治癰疽脾腎虛弱飲食不消黎明溏瀉者服之有效

肉果二兩

麩裹煨肥大者搗去油

補骨脂四兩

微炒香

右二味共為細末用大棗四十九枚老生薑四兩切片水浸薑棗煮至水乾為度取棗肉為丸桐子大每夜半用清米湯送下七十九

治腎瀉脾瀉甚效

方歌 二神丸治脾腎弱飲食不化瀉黎明肉果補

脾骨脂腎生薑煮棗肉丸成

加味地黃丸

此丸治癰疽已潰虛火上炎口乾作渴者宜服之

熟地 八兩 酒蒸搗膏

山藥 四兩 炒

山萸肉 五兩 去核

白茯苓 四兩

牡丹皮 四兩 酒洗

澤瀉 三兩 蒸

肉桂 六錢

五味子 三兩 炒

右八味共為末煉蜜丸如梧桐子大每服三

錢空心臨湯送下

方歌 加味地黃勞傷腎水衰津少渴良方山萸山

藥丹苓澤 肉桂五味熟地黃

參朮膏

此膏治癰疽破背等證大潰膿血之後血氣大虛急宜用此補之

人參 半觔 切片用水五大碗沙鍋慢火熬至三

碗將渣再煎汁一碗共用密絹濾淨復熬稠厚磁碗內收貯聽用

雲片白朮 六兩

懷慶熟地 六兩 俱熬同上法

以上三膏各熬完畢各用磁罐盛之入水中  
待冷取起密蓋勿令泄氣如患者精神短少  
懶於言動短氣自汗者以人參膏三匙白朮  
膏二匙地黃膏一匙俱用無灰好酒一杯炖  
熱化服如脾虛弱飲食減少或食不知味或  
已食不化者用白朮膏三匙人參膏二匙地  
黃膏一匙熱酒化服如腰膝痠軟腿脚無力  
皮膚枯槁者用地黃膏三匙參朮膏各二匙  
化服如氣血脾胃相等無偏勝者三膏每各

二匙熱酒化服此膏用於清晨及臨睡時各  
進一次自然強健精神頓生氣血新肉易長  
瘡口易合一切瘡形危險勢大膿多者服之  
白自無變證也夏天炎熱恐膏易變令作二次  
熬用亦好愈後常服能鬚髮變黑返老還童  
以上諸方功難及此

方歌參朮膏治大膿後血氣雙補此方宗人參白  
朮同熟地熬成膏服有奇功

八仙糕

此糕治癰疽脾胃虛弱食少嘔泄精神短少飲食無味食不作饑及平常無病久病者服之能

健脾胃

山藥 六兩

人參 六兩

粳米 十升

糯米 七升

白蜜 一觔

白糖霜 二兩半

蓮肉 六兩

芡實 六兩

白茯苓 六兩

右將山藥人參蓮肉芡實茯苓五味各為細

末再將粳糯米為粉與上藥末和勻將白糖入蜜湯中炖化隨將粉藥乘熱和勻攤鋪籠內切成條蒸熟火上烘乾磁器收貯每日清早用白湯泡數條或乾用亦可饑時隨用服至百日啟脾壯胃功難筆述

方歌八仙糕用健脾胃食少嘔泄服之靈山藥人

參粳糯米蜜糖蓮芡白雲苓

洗滌類方

洗有蕩滌之功滌洗則氣血自然舒暢其毒



易於潰腐而無壅滯也凡腫在四肢者湯漬之在腰腹脊背者淋之在下部者浴之俱以布帛或棉蘸洗稍溫卽易輕者日洗一次重者日夜洗二次每日洗之不可間斷凡洗時冬月要猛火以逼寒氣夏月要明窻以避風涼若不慎此輕則有妨收口重則恐變純陰夫洗藥不一如初腫與將潰者俱用葱歸湯腫湯燙洗如陰證不起者俱用艾茸湯敷法如潰後俱用猪蹄湯燙洗用猪蹄湯者以助

肉之氣而逐腐也此滌洗之法乃瘍科之要藥也

### 葱歸湯腫湯

此湯治癰疽瘡瘍初腫將潰之時用此湯洗之以瘡內熱癢爲度

獨活 三錢

白芷 三錢

葱頭 七個

當歸 三錢

甘草 三錢

右五味以水三大碗煎至湯醇濾去渣以絹

帛蘸湯熱洗如溫再易之

方歌葱歸湯腫洗諸毒初起將潰用之宜洗至熱

癢斯為度獨芷葱歸甘草俱

艾茸敷法

此膏治陰瘡黑陷而不痛者用之為良以知痛則生不知痛出紫血者死然必內服夫補回陽之劑以助之

硫黃 五錢

雄黃 五錢

艾茸 一觔

右以硫雄二味為末同艾入水煎半日水將乾取艾出搗爛溫敷患處再煎再易十餘次

為度

方歌艾茸敷法治陰瘡黑陷不痛用之良石硫雄

黃同艾煮搗成膏敷定能康

猪蹄湯

此湯治癰疽諸毒流膿者熬好洗之以助肉氣消腫散風脫腐止痛去惡肉活死肌潤瘡口如腐盡者不必用之當以米泔水熱洗之令瘡熱

淨不可過洗過洗則傷水皮膚破爛難生肌肉  
歛口矣

黃芩

甘草

當歸

赤芍

白芷

蜂房

羌活

各等分

右七味共為粗末看證之大小定藥之多少  
先將獐豬前蹄一隻用水六碗煮蹄軟為度  
將汁濾清吹去汁上油花即用粗藥末一兩

投於汁中再用微火煎十數沸濾去渣候湯  
微溫即用方盤一箇靠身於瘡下放定隨用  
軟絹蘸湯淋洗瘡上并入孔內輕手捺盡內  
膿庶敗腐宿膿隨湯而出以淨為度再以輕  
帛疊七八重蘸湯勿令大乾覆於瘡上兩手  
輕按片時帛溫再換如此再按四五次可以  
流通血氣解毒止痛去瘀也洗訖用絹帛搥  
乾即隨證以應用之藥貼之

方歌 豬蹄湯治癰疽毒已潰流膿用此方消腫散

風能止痛芩甘歸芍芷蜂羌

膏藥類方

萬應膏

此膏治一切癰疽發背對口諸瘡痰核流注等毒貼之甚效

川烏 草烏

生地 白斂

白及 象皮

官桂 白芷

黃歸 赤芍

羌活 苦參

北木鱉 穿山甲

烏藥 甘草

獨活 元參

定粉 大黃 各五錢

右十九味定粉在外用淨香油五觔將藥浸入油內春五夏三秋七冬十候日數已足入潔淨大鍋內慢火熬至藥枯浮起為度住火

片時用布袋濾去渣將油稱準每油一筋對定粉半筋用桃柳枝不時攪之以黑如漆亮如鏡為度滴入水內成珠薄紙攤貼

方萬應膏用貼諸毒發背癰疽對口瘡川草烏

歌同地蘇及象皮桂芷芍歸羌苦參木鱉穿烏藥甘獨元參定粉黃

紺珠膏

此膏治一切癰疽腫毒流注頑癩風寒濕痺癩瘰乳癰痰核血風等瘡及頭痛牙疼腰腿痛等

證悉驗

製麻油 四兩

製松香 一筋

右將麻油煎滾入松香文火溶化柳枝攪候化盡離火下細藥末二兩三錢攪勻即傾於水內按扯數十次易水浸之聽用

一 痰血腫毒癩瘰等證但未破者再加魏香散隨膏之大小患之輕重每加半分至三二分為率

一 毒深膿不盡及頑瘡對口等證雖潰必用此

膏獲效

一未破者貼之勿揭揭則作癢痛亦勿揭能速於成膿患在平處者用紙攤貼患在灣曲轉動處者用絹帛攤貼

一臙瘡及臀腿寒濕等瘡先用茶清入白礬少許洗淨貼之見效

一頭痛貼太陽穴牙痛塞牙縫內

一內癰等證作丸用蛤粉為衣服下

一便毒痰核多加魏香散如膿瘡再加銅青如

蠟搗頭癰毒貼之亦效

製油法

每麻油一觔用當歸木鱉子肉知母細辛白芷巴豆內文蛤打碎山茨菇打碎紅芽大戟續斷各一兩槐柳枝各二十八寸入油鍋內浸三十一日煎枯去渣取油聽用查朝鮮琥珀膏多續隨子此方宜加之

製松香法

擇片子淨嫩松香為末十觔取槐柳桃桑芙

蓉等五樣枝各五觔剉碎用大鍋水煎濃汁  
濾淨再煮一次各收之各分五分每用初次  
汁下分煎滾入松香末二觔以椰槐枝攪之  
煎至松香沉下水底為度即傾入二次汁內  
乘熱拔扯數十次以不斷為佳候溫作餅收  
之餘香如法

膏內細藥方

乳香

沒藥 各五錢

明雄黃 四錢

血竭 五錢

麝香 一錢

輕粉 一錢

將右為細末加入膏內用

魏香散

乳香

沒藥

血竭 各等分

阿魏

麝香 各減半

為末罐收聽用

方歌 紺珠膏貼癰疽毒流注頑腫濕痺名療癰乳

癰痰核塊血風頭痛及牙疼松香化入麻油

內乳沒雄黃竭麝輕隨證更加魏香散麝香  
魏竭乳沒并

陀僧膏

此膏專貼諸般惡瘡流注癰癧跌撲損破金刃  
悞傷等證用之有效

南陀僧

二十兩  
研末

赤芍

二兩

全當歸

二兩

乳香

五錢  
去油研

沒藥

五錢  
去油研

赤石脂

二兩  
研

苦參

四兩

百草霜

二兩  
篩研

銀黝

一兩

桐油

二觔

香油

一觔

血竭

五錢  
研

孩兒茶

五錢  
研

川大黃

半觔

右藥先將赤芍當歸苦參大黃人油內燻枯  
熬至滴水不散再下陀僧末用槐柳枝攪至  
滴水將欲成珠將百草霜細細篩入攪勻再  
將羣藥及銀黝篩入攪極勻傾入水盆內衆  
手扯干餘下再收入磁盆內常以水浸之

方歌陀僧膏貼諸惡瘡流注癰癧跌撲傷陀僧赤



芍歸乳沒赤脂苦參百草霜銀黝桐油香油  
共血竭兒茶川大黃

巴膏方

此膏貼一切癰疽發背惡瘡化腐生肌甚效

象皮 六錢

穿山甲 六錢

山梔子 八十個

兒茶

二錢 另研極細末

人頭髮 一兩二錢

血竭

一錢 另研極細末

礞砂

三錢 另研極細末

黃丹

飛

香油

桑槐桃柳杏枝

各五十寸

右將桑槐桃柳杏五枝用香油四觔將五枝  
煤枯撈出次入象皮穿山甲人頭髮煤化再  
入山梔子煤枯用絹將藥渣濾去將油復入  
鍋內煎滾離火少頃每油一觔入黃丹六兩  
攪勻用慢火熬至滴水成珠將鍋取起再  
入血竭兒茶礞砂等末攪融用凉水一盆將  
膏藥傾入水內用手扯藥干餘遍換水數次  
拔去火氣磁罐收貯用時不宜見火須以銀  
杓盛之重湯炖化薄紙攤貼

方 癰疽發背用巴膏象甲梔茶髮竭柳枝用桑  
歌 槐桃柳杏黃丹攪和共油熬

亞聖膏

此膏治一切破爛諸瘡並楊梅結毒貼之甚效

象皮 一兩 驢甲 一塊即懸蹄

鷄子清 三個 木鱉子 七個

蛇蛻 二錢 蟬蛻 四錢

血餘 三錢 山穴人穿山甲 六錢

槐枝 柳枝 榆枝 香曲 四兩 正丹

艾枝 柳枝

桑枝 各二十一寸 黃丹

黃蠟 三觔 麻油 三觔

右將藥浸七日前煎如常法濾去渣每淨油一  
天觔入黃丹七兩煎成膏入黃蠟五錢化勻再  
加血竭五錢兒茶三錢乳香三錢沒藥三錢  
煨牡蠣五錢五靈脂五錢右五味研極細末  
入膏內成膏出火攤貼

方 亞聖膏治破爛瘡楊梅結毒貼之良象驢鷄

驚蛇蟬蛻血甲槐榆艾柳桑丹蠟藤油勻化  
後竭茶乳沒蠟靈襄

絳珠膏

此膏治潰瘍諸毒用之去腐定痛生肌甚效

天麻子肉 八十一粒 鷄子黃 十個

蘇油 十兩 血餘 五錢

黃丹 二兩 水飛 白蠟 三兩

血竭 三錢 硃砂 二錢

輕粉 三錢 乳香 三錢

沒藥 三錢 兒茶 三錢

冰片 一錢 麝香 五分

珍珠 三錢

右將蘇油煤血餘至焦枯加麻子肉鷄子黃  
再煤枯去渣入蠟候化離火少時入黃丹攪  
勻再加細藥和勻收用攤貼

方歌

絳珠化腐生肌麻肉鷄黃油血餘丹蠟竭

砂輕乳沒兒茶冰麝共珍珠研細和勻隨證  
用乳岩須要入銀朱

乳岩加銀朱一兩

絳紅膏

此膏治一切腫毒已成疼痛不消者貼之悉效

銀朱 五錢

右一味為細末以生桐油調攤如膏先用神

燈照後貼此膏

方歌絳紅膏治毒已成腫痛難消用最靈一味銀

朱為細末桐油調和貼之平

加味太乙膏

此膏治發背癰疽及一切惡瘡濕痰流注風濕

徧身筋骨走注作痛湯燙火燒刀傷棒毒五損

內癰七傷外證俱貼患處又男子遺精女人白

帶俱貼臍下臟毒腸癰亦可丸服諸般瘡癩血

風癩癢諸藥不止痛癢者並效

白芷

當歸

赤芍

元參

柳枝

槐枝

肉桂

沒藥

二兩

各一百寸

三錢

大黃 二兩

木鱉 二兩

輕粉 四錢 研不見星

生地 二兩

阿魏 三錢

黃丹 四十兩 水飛

乳香 五錢

血餘 一兩

右將白芷當歸赤芍元參肉桂大黃木鱉生  
地八味併槐柳枝用真蒜油足稱五觔將藥  
浸入油內春五夏三秋七冬十入大鍋內慢  
火熬至藥枯浮起為度任火片時用布袋濾  
淨藥渣將油稱準用細舊絹將油又濾入鍋

內要清淨為佳將血餘投上慢火熬至血餘  
浮起以柳枝挑看似膏溶化之象方算熬熟  
淨油一觔將飛過黃丹六兩五錢徐徐投入  
火加大些夏秋亢熱每油一觔加丹五錢不  
住手攪候鍋內先發青烟後至白烟叠叠旋  
起氣味香馥者其膏已成即便住火將膏滴  
入水中試軟硬得中如老加熱油如稀加炒  
丹每各少許漸漸加火務要冬夏老嫩得所  
為佳候烟盡撥下鍋來方下阿魏切成薄片

散於膏上化盡次下乳沒輕粉攪勻傾入水中以柳棍攪成一塊再換冷水浸片時乘溫每膏半劬扯拔百轉成塊又換冷水浸隨用時每取一塊銅杓內復化隨便攤貼至妙

方歌  
太乙膏治諸般毒一切瘡傷俱貼之白芷當歸赤芍藥元參桂沒柳槐枝大黃木鱉輕生地阿魏黃丹乳血餘

白膏藥  
此膏專貼諸瘡腫毒潰破流膿甚效

淨巴豆肉 十二兩  
蓖麻子 十二兩  
去殼

香油 三劬  
蝦蟇 五個  
各啣人髮一團

活鯽魚 十尾

先將巴豆肉蓖麻子入油內浸三日再將蝦蟇浸一宿臨熬時入活鯽魚共燻焦去渣淨慢火熬油滴水成珠離火傾於淨鍋內再加官粉二劬半乳香末五錢不時攪之冷定為度用時重湯炖化薄紙攤貼

方歌  
白膏專貼諸瘡毒巴豆蓖麻浸入油活鯽

養同煤後再將官粉乳香投

化腐紫霞膏

此膏善能穿透諸毒凡發背已成瘰癧肉不腐及  
不作膿者用此膏以腐爛瘰癧肉穿潰膿毒其功

甚效

金頂砒

五分

肉桂

一錢

潮腦

螺螄肉

二兩

用肉晒乾為末

輕粉

三錢

血竭

二錢

巴豆仁

五錢

研用白仁

右各為末共碾一處磁罐收貯臨用時用蒜

油調搽頑硬肉上以棉紙蓋上或膏貼俱可

方化腐紫霞膏穿毒透膿化腐效如神金砒潮

腦螺螄肉粉竭蒜仁巴豆仁

貝葉膏

此膏貼癰疽發背一切潰爛諸瘡

蘇油

一觔

血餘

鷄子大一個

白蠟

二兩

右將血餘以文火煤化去渣下火入白蠟溶

化候溫用棉紙剪塊三張張張於油蠟內蘸  
之貼於磁器幫上用時揭單張貼患處日換  
八九次力能定痛去腐生肌其功甚速切勿  
忽之

方歌貝葉膏治潰爛瘡去腐生肌功效強血餘蘇  
油煎渣去下火入蠟化貼良

### 碧螺膏

此膏治下部濕瘡疥癬并結毒痰串癰瘡  
取嫩白者佳為末篩過用銅盆以豬油遍  
搽之入水至滾入香不住手攪之以香沉  
底為度即傾冷水中拔扭百十次以不斷  
為度

右將蘇油煎滴水成珠入松香一觔文火溶  
化看老嫩取起離火住滾徐徐入糠青膽礬  
各淨末五錢以柳枝左攪勻為度如老加熟  
豬油二三錢用綠紙薄攤貼之

方歌碧螺膏治疥濕瘡豬脂蘇油嫩松香再入糠  
青膽礬末綠紙攤貼效非常

### 麻藥類方

### 瓊酥散



此散治一切腫毒等瘡服之開鍼不痛

蟾酥 一錢

半夏 六分

鬧羊花 六分

胡椒 一錢八分

川椒 一錢八分

萹荑 一錢

川烏 一錢八分

右七味共為細末每服半分黃酒調服如欲

大開加白酒藥一丸

歌方瓊酥散是麻人藥開鍼不痛用蟾酥萹荑鬧

羊生半夏胡椒川椒與川烏

整骨麻藥

此藥開取箭頭服之不痛

麻黃 胡茄子

薑黃 川烏

草烏 各等分

鬧羊花 倍用

右六味共為末每服五分茶酒任下欲解用

甘草煎湯服之即甦

歌方整骨麻藥取箭頭不傷筋骨可無憂麻黃薑

黃胡茄子川草烏與鬧羊投

外敷麻藥

此藥敷於毒上麻木任割不痛

川烏尖 五錢

草烏尖 五錢

蟾酥 四錢

胡椒 一兩

生南星 五錢

生半夏 五錢

一方加萆薢 五錢

一方加細辛 一兩

右為末用燒酒調敷

方外敷麻藥調燒酒刀割不痛效最神川草烏

歌蟾椒星夏一加萆薢一加辛

去腐類方

腐者壞肉也諸書云腐不去則新肉不生蓋以腐能浸淫好肉也當速去之如遇氣實之人則用刀割之取效若遇氣虛之人則惟恃藥力以化之蓋去腐之藥乃瘍科之要藥也

白降丹

此丹治癰疽發背一切疔毒用少許瘡大者用五六釐瘡小者用一二釐水調敷瘡頭上初起者立刻起炮消散成膿者即潰腐者即脫消腫

誠奪命之靈丹也

硃砂

雄黃 各二錢

水銀 一兩

礬砂 五錢

火消

食鹽

白礬

皂礬 各一兩五錢

先將硃雄礬三味研細入鹽礬硝皂水銀共  
研勻以水銀不見星為度用陽城礬一個放  
微炭火上徐徐起藥入礬化盡微火逼令乾  
取起如火大太乾則汞走如不乾則藥倒下

無用其難處在此再用一陽城礬合上用棉  
紙截半寸寬將礬子泥草鞋灰光粉三樣研  
白細以鹽滴滷汁調極濕一層泥一層紙糊合  
水口四五重及糊有藥礬上二三重地下挖一  
小潭用飯碗盛水放潭底將無藥礬放於碗  
內以瓦挨潭口四邊齊地恐炭灰落碗內也  
有藥礬上以生炭火蓋之不可有空處約三  
炷香去火冷定開看約有一兩外藥矣煉時  
礬上如有綠烟起急用筆蘸礬子鹽泥固之

紅升丹

此丹治一切瘡瘍潰後拔毒去腐生肌長肉瘡口堅硬肉黯紫黑用丹少許鷄翎掃上立刻紅活瘍醫若無紅白二丹決難立刻取效

硃砂

五錢

雄黃

五錢

水銀

一兩

火消

四兩

白礬

皂礬

六錢

先將三礬火消研碎入大銅杓內加火消一小盃炖化一乾即起研細另將汞硃雄研細

至不見星為度再入消礬末研勻先將陽城罐用紙筋泥塘一指厚陰乾常輕輕撲之不使生裂用塘泥罐子泥亦可用如有裂紋以罐子泥補之極乾再晒無裂紋方入前藥在內罐口以鐵油蓋蓋定加鐵梁蓋上下用鐵鐸鐵絲紮緊用棉紙撚條蘸蜜周圍塞罐口縫間外用熟石膏細末醋調封固蓋上加炭火二塊使蓋熱罐口封固易乾也用大釘三根釘地下將罐子放釘上罐底下置堅大炭

火一塊外砌百眼爐升三炷香第一炷香用  
底火如火大則汞先飛上二炷香用大半礮  
火以筆蘸水擦盞第三炷香火平礮口用扇  
搨之頻頻擦盞勿令乾乾則汞先飛上三香  
完去火冷定開看方氣足盞上約有六七錢  
刮下研極細磁礮盛用再預以鹽滷汁調礮  
子稀泥用筆蘸泥水掃礮口周圍勿令洩氣  
蓋恐有綠烟起汞是也綠烟一起卽無用矣  
方歌白降丹爲奪命丹拔膿化腐立時安硃雄汞

與礮砂入還有消鹽白皂礮若去 礮鹽紅升  
是長肉生肌自不難

### 元珠膏

此膏治腫瘍將潰塗之膿從毛孔吸出已開鍼  
者用撚蘸送孔內呼膿腐不淨塗之立化

木鱉子肉 十四個 蟹螯 八十一個

柳枝 四十九寸 驢甲片 三錢

草烏 一錢 蘇油 二兩

右藥浸七日文火煤枯去渣入巴豆仁三個

煎至黑傾於鉢內研如泥加麝香一分攪勻入罐內收用

方呼膿化腐用元珠木鱉蟹螯共柳枝驢甲草烏油內浸燥枯巴豆麝香施

生肌類方

凡大毒潰爛內毒未盡若驟用生肌則外實內潰重者逼毒內攻輕者反增潰爛雖即收口其於旁處復生大疽是知毒未盡不可驟用生肌藥也只以貝葉膏貼之頻換俟生肉珠時方用生肌藥如元氣弱者須富大補以培元氣

生肌定痛散

此散治潰爛紅熱腫痛有腐者用此化腐定痛

生肌

生石膏

一兩

為末用甘草湯飛五次

辰砂

三錢

冰片

二分

硼砂

五錢

右四味共為末撒患處

方歌 生肌定痛治潰爛腫疼紅熱實相宜石膏飛  
過辰砂用共入冰硼細撒之

輕乳生肌散

此散治潰爛紅熱腫痛腐脫者用此定痛生肌

石膏 一兩

煨 血竭 五錢

乳香 五錢

輕粉 五錢

冰片 一錢

有水加龍骨白芷 各一錢

不收口加雞內金 一錢

右為末撒之

方歌 輕乳生肌治腐脫石膏血竭乳輕冰若然有  
水加龍芷收口須添雞內金

薑礬散

此散治一切諸瘡發癢者用此撒之甚效

枯礬

乾薑

右等分為末先用細茶食鹽煎湯洗之後用  
此散撒之

冷瘡不收口者用乾薑一味為末撒患處

熱如烘生肌甚效

方歌薑礬最治諸瘡癢先用鹽茶煎洗之若是冷

瘡不收口乾薑一味撒生肌

腐盡生肌散

此散治一切癰疽等毒諸瘡破爛不斂者撒上

即愈

兒茶

乳香

沒藥 各三錢

冰片 一錢

尋香 二分

血竭 三錢

早三七 三錢

右為末撒之

有水加龍骨

煨一錢

欲速收口加珍珠

一兩

蟹黃

二錢

法取團臍蟹蒸熟取黃曬乾取用

或用猪脂油

半斤

去渣加黃蠟

一兩

溶化傾碗內

稍溫加前七味調成膏攤貼癰疽破爛等證

若杖傷則早三七倍之

一用鮮鹿腿骨紙包灰內煨之以黃脆為度



如黑焦色則無用矣為細末撒之生肌甚速  
方腐盡生肌瘡不斂兒茶乳沒冰麝香血竭三  
歌七水加骨收口珍珠共蟹黃或用猪油溶黃  
 蠟調前七味貼之良一用火煨鹿腿骨為散  
 生肌效甚長

月白珍珠散

此散治諸瘡新肉已滿不能生皮及湯火傷痛  
 并下疳腐痛等證

青缸花 五分

輕粉 一兩

珍珠 一錢

右為末撒之

下疳腐爛用猪脊髓調搽

一用雞子清傾瓦上晒乾取清為末撒之

方月白珍珠皮不長并醫湯火下疳瘡青缸輕

粉珍珠共猪髓調搽真妙方一用雞清傾瓦

上晒乾為末撒之良

五色靈藥

此五色靈藥治癰疽諸瘡已潰餘腐不盡新肉

不生撒之最效

食鹽 五錢

黑鉛 六錢

枯白礬

枯皂礬

水銀

火消 各二兩

先將鹽鉛鎔化入水銀結成砂子再入二礬  
火消同炒乾研細入鉛汞再研以不見星為  
度入礮內泥固濟封口打三炷香不可太過  
不及一宿取出視之其白如雪約有二兩為  
火候得中之靈藥

如要色紫者加硫黃 五錢

要黃色者加明雄黃 五錢

要色紅者用黑鉛九錢水銀一兩枯白礬二  
兩火消三兩辰砂四錢明雄黃三錢

升煉火候俱如前法

凡升打靈藥硝要炒燥礬要煨枯

一方用燒酒煮乾炒燥方研入礮

一法凡打出靈藥倍加石膏和勻復入新礮  
內打一枝香用之不痛

方五色靈藥白用鹽黑鉛硝汞皂枯礬欲成紫  
 歌色硫黃入黃者雄黃加五錢紅去皂鹽鉛重  
 用硃砂飛盡必須添

生肌玉紅膏

此膏治癰疽發背諸般潰爛棒毒等瘡用在已  
 潰流膿時先用甘草湯洗者用豬蹄湯淋洗患  
 上軟絹搥淨用抵欄挑膏於掌中捺化遍搽新  
 肉上外以太乙膏蓋之大瘡洗換二次內兼服  
 大補氣血之藥新肉即生瘡口自斂此外科收

斂藥中之神藥也

當歸 二兩

白芷 五錢

白蠟 二兩

輕粉 四錢

甘草 兩一錢

紫草 二錢

瓜兒血竭 四錢

麻油 一觔

右將當歸白芷紫草甘草四味入油內浸三  
 日大約內慢火熬微枯色細絹濾清將油復  
 入杓內煎滾入血竭化盡次下白蠟微火亦  
 化用茶鍾四個預放水中將膏分作四處預

入鍾內候片時方下研極細輕粉各投一錢攪勻候至一日夜用之極效

方歌生肌玉紅膏最善潰爛諸瘡搽即收歸正蠟輕甘紫草瓜兒血竭共麻油

瑩珠膏

此膏治潰瘍去腐定痛生肌并楊梅瘡杖臙瘡下疳等證

白蠟 三兩

豬脂油 十兩

輕粉 一兩五錢

樟水 一兩五錢

先將白蠟脂油溶化離火候溫入輕粉樟水攪勻候稍凝再入水片末一錢攪勻成膏礮收聽用 凡用先將甘草苦參各三錢水煎洗淨患處貼膏

杖瘡用荆川紙攤極薄貼之熱則易之其疔瘡即散疼痛立止

楊梅瘡加紅粉二錢

頑瘡乳岩加銀硃一兩

臙瘡加水龍骨三錢或龍骨四錢

方歌 瑩珠膏用治潰瘡定痛生肌功效強白蠟豬  
脂樟冰粉楊頑乳杖并賺瘡

呂祖一枝梅

此藥治男婦大人小兒新久諸病生死難定之  
間用艾蕢大一餅貼印堂之中點官香一枝香  
盡去藥已後一時許視貼藥處有紅斑暈色腫  
起飛散謂之紅霞捧日病雖危篤其人不死如  
貼藥處一時後不腫不紅皮肉照舊不變謂之  
白雲漫野病雖輕淺終歸冥路小兒急慢驚風

一切老幼痢疾俱可貼之凡病用之皆可預知

生死也

雄黃 五錢

巴豆仁 五錢

不去油

硃砂 三分

五靈脂 三錢

銀朱 一錢五分

蓖麻仁 五分

麝香 三分

右各研細於端午日淨室中午時共研加油  
燕脂爲膏磁盒收藏勿經婦人之手臨用豆  
大一圓規餅貼印堂中其功立見用過餅送

入河中

方歌

呂祖一枝梅驗病定人生死印堂中紅斑腫  
起斯爲吉無腫無紅命必終藥用五靈菟麻  
子砂銀巴豆腐香雄

